

## სამართალმცოდნეობა

### ვალაუვალობის სამართალში გაკოტრების განცხადებასთან დაკავშირებული სიახლეები

*მერი კეთილაძე*

*კავკასიის საერთაშორისო უნივერსიტეტის დოქტორანტი  
ნაშრომის ხელმძღვანელი სამართლის დოქტორი,  
პროფესორი ლია ჭილაშვილი*

**საკვანძო სიტყვები:** ვალაუვალობის სამართალი, გაკოტრების რეჟიმი.

ვალაუვალობის სამართალში, კერძოდ კი, გაკოტრების რეჟიმში, განცხადებას უდიდესი მნიშვნელობა აქვს. სწორედ, განცხადება არის გაკოტრების რეჟიმის დაწყების წინაპირობა, რომელსაც საფუძვლად უდევს მოვალის გადახდისუუნარობა ან მოსალოდნელი გადახდისუუნარობა.

განცხადება სასამართლოში უნდა დარეგისტრირდეს კანონით გათვალისწინებული წესითა და პირობით. განცხადების წარდგენამდე, განმცხადებელს მთელი რიგი საკითხების გათვალისწინება უწევს. როგორც ვიცით „გადახდისუუნარობის საქმის წარმოების შესახებ“ კანონი მასთან დაკავშირებით ზოგად რეკვიზიტებს შეიცავდა. არ უზრუნველყოფდა მხარეთა ინტერესების თანაბარ დაცვას, განცხადებაზე თანდართული დოკუმენტების წარდგენა არ იყო აუცილებელი, არ განასხვავებდა მოვალისა და კრე-

დიტორის მიერ შეტანილ განცხადებებს, არ არსებობდა რებილიტაციის მმართველის მიერ განცხადების შეტანის შესაძლებლობა, არსებობდა ვადებთან დაკავშირებული პრობლემები, მოსამართლის როლი მინიმუმამდე იყო დაყვანილი, შეუძლებელი იყო გაკოტრების კონვერსია და სხვა. ეს ყოველივე, გარდა განცხადების მიღების ვადებისა და განცხადების ფორმისა გამოსწორებულია „რეაბილიტაციისა და კრედიტორთა კოლექტიური დაკმაყოფილების შესახებ“ კანონით.

ვფიქრობთ, განცხადებასთან დაკავშირებული სიახლეები, რომლებიც ახალი კანონით დარეგულირდა მნიშვნელოვანი იქნება გაკოტრების პროცესის წარმართვისათვის. ხოლო, კანონის მიღების მიზნები მიღწეულ იქნება. სწორედ, განცხადების მნიშვნელობისა და უამრავი საკანონმდებლო სიახლის გათვალისწინებით, საჭიროდ მივიჩნით მისი განხილვა და ფართო საზოგადოებისათვის წარდგენა.